



Tužilaštvo/Tužiteljstvo Brčko distrikta Bosne i Hercegovine  
Тужилаштво Брчко дистрикта Босне и Херцеговине  
Prosecutor's Office of the Brcko District of Bosnia and Herzegovina

<http://jt-brckodistriktbih.pravosudje.ba>



Trg pravde 10, 76100 Brčko distrikt Bosne i Hercegovine; web: [jt-brckodistriktbih.pravosudje.ba](http://jt-brckodistriktbih.pravosudje.ba); tel: 049/217-227; faks: 049/219-088; e-pošta: [jtbd@jtbd.ba](mailto:jtbd@jtbd.ba)  
Трг правде 10, 76100 Брчко дистрикт Босне и Херцеговине; web: [jt-brckodistriktbih.pravosudje.ba](http://jt-brckodistriktbih.pravosudje.ba); тел: 049/217-227; факс: 049/219-088; е-пошта: [jtbd@jtbd.ba](mailto:jtbd@jtbd.ba)

Broj: A - /2020  
Brčko, 8.1.2020.godine

## SAOPĆENJE ZA JAVNOST

### **Procesuiranje korupcije// Inspektor za šumarstvo u Brčkom D. Đurić optužen za primanje dara Optužen da je zahtijevao i primao novac da ne obustavlja sječu i transport drvnih sortimenata**

Tužilaštvo Brčko distrikta BiH optužilo je inspektora za šumarstvo u ovom gradu Duška Đurića (56) zbog sumnje da je kao službena osoba zahtijevao i primao novac da ne bi preduzimao službene radnje iz svoje nadležnosti.

Optužnicom potvrđenom pred Osnovnim sudom Distrikta Đurić je optužen da je tokom jula i avgusta, a potom i u oktobru prošle godine zahtijevao i primio novac da ne obustavlja sječu i transport drvnih sortimenata i ne preduzima druge mjere na koje je ovlašten kao nadležni inspektor u Distriktu. Đuriću se stavlja na teret da je od osoba koje su bez neophodnih dozvola i procedura vršila sječu drva zahtijevao i uzeo najprije 700 Eura, a potom i 500 KM 18. oktobra prošle godine, kada je uhapšen.

Nakon što je primjenom posebnih istražnih radnji otkriven, Đurić je lišen slobode u okviru akcije kodnog naziva "Drvosječa", dok je sutradan predat Tužilaštvu radi daljnjeg krivičnog gonjenja. Tužilaštvo je, nakon pritvaranja osumnjičenog nastavilo istragu protiv njega, koju je ubrzo i okončalo podizanjem optužnice za krivično djelo primanja dara i drugih oblika koristi (iz člana 374 stav 1. Krivičnog zakona Brčko distrikta BiH). Za ovo krivično djelo zapriječena je kazna zatvora u trajanju od jedne do deset godina, a optužnica je pred Osnovnim sudom u cjelosti potvrđena.

\*Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

---

*Više o optužnici na internet stranici Tužilaštva [www.jt-brckodistriktbih.pravosudje.ba](http://www.jt-brckodistriktbih.pravosudje.ba) (sekcija „optužnice“ podsekcija „odsjek za privredni kriminal“, optužnica broj: 13854 19).*

GLAVNI TUŽILAC

**ZEKERIJA MUJKANović**

1. Na WEB stranicu;;
2. Medijima;
3. a/a.